

454/22-382

BOSNA I HERCEGOVINA  
FEDERACIJA BiH  
ZENIČKO-DOBOJSKI KANTON  
GRAD ZENICA

Služba za socijalnu zaštitu, stambene poslove i društvene djelatnosti

Broj: 07-45-12529/22

Zenica, 08.06.2022. godine

STRUČNA SLUŽBA GRADSKOG VIJEĆA

**PREDMET:** Stav Službe,

Izveštaj o radu Javne ustanove Bosansko narodno pozorište Zenica za 2021. godinu,

- dostavlja se

Bosansko narodno pozorište osnovano je 1950 godine, kao peto narodno pozorište u BiH, nakon Sarajeva, Banja Luke, Tuzle i Mostara. Prvu premijeru 25. februara, izvelo je kao Oblasno narodno pozorište. Kroz svoje umjetničko djelovanje postalo je sjedište ne samo teatarskog nego i ukupnog umjetničkog i kulturnog života ovog dijela Bosne i Hercegovine.

Zaključkom broj. 324/22 od 31.03.2022. godine Upravni odbor BNP Zenica osvojio je Redovni godišnji izvještaj JU BNP Zenica za 2021. godinu.

Direktor je članove Upravnog odbora kontinuirano i redovno informirao o tekućim programskim aktivnostima i planovima, o finansijskom poslovanju, infrastrukturi, postupcima javne nabavke, tehničko-tehnološkim resursima i opremi, kadrovskoj politici, zapošljavanju i penzionisanju, te o svim ostalim relevantnim informacijama, što je evidentirano i uredno vođenim zapisnicima. Direktor je preduzimao niz aktivnosti koje je UO definirao kao akcenat njihovih upravljačkih ciljeva u tekućem mandatnom periodu.

U radnom odnosu određenog ili neodređenog trajanja u 2021. godini bilo je ukupno 67 zaposlenika, dok su posredstvom Federalnog zavoda za zapošljavanje angažirane dvije osobe.

U 2021. godini JU BNP Zenica je ostvarila višak prihoda nad rashodima u iznosu od **73.655,55 KM**. U skladu sa Sporazumom o otplati dugovanja br. 293/20 od 08.04.2020. godine zaključenim sa JP „Grijanje” d.o.o. Zenica, JU BNP Zenica je dosad izvršila uplatu 23 od ukupno 27 rata, na mjesečnom nivou od 3.000,00 KM. Ovom dinamikom otplate, dug bi mogao biti izmiren do 30.06.2022. godine.

Kada se tiče potraživanja BNP Zenica od drugih pravnih subjekata. Ova se potraživanja odnose na zakupca Cabaret d.o.o. Zenica koji je u obavezi, prema sudskoj presudi od 16.06.2021. godine, isplatiti BNP Zenica iznos od 33.101,45 KM sa zateznom kamatom počev od 17.10.2019. godine. Dugovanje zakupca „Umjetnost-Ars” Zenica prema BNP Zenica zaključno sa 31.12.2021. godinom iznose 14.422,00 KM.

U izvještajnom periodu upriličeno je šest premijernih izvedbi pozorišnih predstava u produkciji BNP Zenica. Ukupno su odigrali 175 programa u Bosanskom narodnom pozorištu i gostujućih programa. Bosansko narodno pozorište Zenica je u 2021. godini na tekućem

repertoaru imalo 20 tzv. *živih* predstava, koje su premijerno i reprizno izvedene 109 puta (u prosjeku , **9 predstava svakog mjeseca** tokom trajanja umjetničke sezone), što je i dalje među najvećim brojem mjesečno izvedenih predstava u konkurenciji bosanskohercegovačkih pozorišta. Gostujući programi su se i 2021. godine, u skladu sa vanrednim okolnostima, održavali na scenama i u ostalim prostorima pozorišta (Velika scena, Mala scena, gornji i donji foaje, Mala galerija, Konferencijska sala, Kabare klub, itd.).

BNP Zenica je produciralo ili bilo suorganizator većeg broja takvih programa.

U prošloj godini u BNP-u su održani neki od slijedećih programa:

- redovni koncerti Kamernog simfonijskog orkestra i mješovitog hora Zenica
- redovni koncerti Omladinskog hora Zenica,
- redovni koncerti Osnovne i Srednje muzičke škole Zenica,
- skupštine, tribine i promocije političkih partija i stranaka,
- svečane akademije u povodu Dana državnosti, Dana nezavisnosti BiH
- obilježavanja godišnjica ustanova i organizacija iz grada Zenice i ZDK,
- izbori sportiste godine Grada Zenica i ZDK („Naša riječ“),
- brojne izložbe, tribine i promocije knjiga, itd.

Bosansko narodno pozorište Zenica je u 2021. godini ostvarilo brojna gostovanja u zemlji i inozemstvu sa predstavama iz vlastite produkcije. Ostavirili su ukupno 17 festivalskih učešća na pozorišnim i kulturnim festivalima tokom 2021. godine:

Povodom obilježavanja 70 godina Dječje, omladinske i lutkarske scene BNP Zenica, izvedene su dvije predstave za djecu. Sa 53 izvedbe i po broju odigranih predstava, godina 2021 može se okarakterisati kao prilično uspješna za DOLS.

BNP Zenica je u protekloj godini osvojilo ukupno **12** festivalskih nagrada.

U okviru BNP-a djeluje Kamerni simfonijski orkestar kao radna jedinica, ali još uvijek kao projekat.

Grad Zenica kao osnivač Ustanove, planira sredstva za produkciju, dio sredstava za organizaciju Festivala bh drame kao i realizaciju dijela programa Festivala MESS.

Cijeneći sve navedeno, a s obzirom na prezentirane pokazatelje o radu, rukovođenju, upravljanju i nadzoru nad radom Ustanove, Služba za socijalnu zaštitu, stambene poslove i društvene djelatnosti dostavlja Gradskom vijeću Izvještaj o radu JU „BNP Zenica” za 2021. godinu na razmatranje.

#### PRILOG:

- Izvještaj o radu JU " BNP Zenica " za 2021.godinu
- Odluku UO o usvajanju Izvještaja o radu
- Finansijski izvještaj za 2021. godinu sa izvještajem ovlaštenog revizora
- Odluka o ocjeni rada direktora u 2021. godini

#### DOSTAVLJENO:

1 x Naslov

1 x a/a

Šef Odsjeka društvenih djelatnosti  
Zijad Imamović



Pomoćnik Gradonačelnika  
Sumea Mujkanović